

الله الصمد | #خطبة_جمعة | د. حازم شومان

حازم شومان

ان الحمد لله نحمده ونستعين به ونستغفره ونعوذ بالله من شرور انفسنا ومن سيئات اعمالنا انه من يهده الله فلا مضل له. ومن يضل فلن تجد له هاديا مرشدا. يا ايها الذين امنوا اتقوا - 00:00:00

الله! اتقوا الله حق تقاته. اتقوا الله حق تقاته اتقوا الله حق تقاته. ولا تموتن الا وانتم مسلمون. يا ايها الناس اتقوا ربكم الذي خلقكم من نفس واحدة وخلق منها زوجها وبث منهما رجالا - 00:00:25

ونساء واتقوا الله الذي تساءلون به والارحام. ان الله كان ايككم رقيبا. يا ايها الذين امنوا اتقوا الله. يا ايها الذين امنوا اتقوا الله اتقوا الله وقولوا قولا سديدا. يصلح لكم اعمالكم. يا ايها الذين امنوا اتقوا الله - 00:00:55

اه وقولوا قولا سديدا. يصلح لكم اعمالكم. ويغفر لكم ذنوبكم ومن يطع الله ورسوله فقد فاز فوزا عظيما. اللهم صل على الحبيب محمد وعلى ازواجه امهات المؤمنين وعلى ذريته وال بيته انك حميد مجيد. اللهم اكرمنا ولا تهنا. اللهم اعطنا ولا تحرمنا. اللهم زدنا ولا تنقصنا - 00:01:25

اللهم اثرنا ولا تؤثر علينا. اللهم ارضنا وارض عنا. اللهم ارضنا وارض عنا اللهم استعملنا ولا تستبدلنا انك ولي ذلك والقادر عليه. اما بعد اخواني واحبابي في الله فقد انفق كثير من العلماء اعمارهم في قديم - 00:01:55

كمان من اجل فكرة يعني واحد ابتكر فكرة كده قال لك التراب ده ممكن يبقى ذهب. ممكن يبقى ذهب ازاي؟ قال لك ما نعرفش. بس هو لو ناس فهمت ازاي تحول التراب - 00:02:15

السبب اللي هيعرف يحول التراب لذهب هيبقى كل تراب الارض ده هيتحول الى ملكية خاصة له من الذهب. فھيبقى انسان غناه لا يوصف ولا تحب. فكثير من العلماء انفق عمرة من اجل ان يبحث في علم الكيمياء. زمان في القديم بقى من قديم الازل من اجل ان يبحس في علم الكيمياء - 00:02:25

من اجل ان يكتشف التراب ازاي يبقى ذهب. سبحان الله العظيم! وفشل العلماء اجمعون في ان حد منهم يقدر يصل ازاي التراب يبقى ذهب وما حدش عرف يحول التراب لذهب ولكن احنا عندنا في دينا التراب ممكن يتحول لذهب. ازاي؟ ايه اللي ممكن يحول التراب لذهب؟ ايه اللي ممكن يحول - 00:02:45

الحاجة اللي ما لهاش قيمة لذهب. النية النية بتاعتك. الاخلاص يحول التراب لذهب. الاخلاص يحول اكلك لو انت نيتك فيه لله الى جنة عرضها السماوات والارض. الاخلاص يحول لقاءك مع زوجتك. اللي هو لا علاقة له بالدين من قريب او - 00:03:05

ومن بعيد لقاء الرجل بزوجه الى جنة عرضها السماوات والارض. الاخلاص يحول نومك لو انت احتسبته في سبيل الله الى ان عرضها السماوات والارض فعندنا التراب بيتحول لذهب بالنية. الاخلاص يا جماعة الاخلاص هو الامتحان اللي لو جبت فيه تسعة وتسعين - 00:03:25

في المية تسقط. الاخلاص هو الامتحان الذي لا يقبل الله الا مية في المية فيه. ربنا يطهر قلوبنا يا رب. من اسمه ان قلبك يبقى خالص لله ان قلبك يبقى بتاع ربنا بس. عشان كده لما كلمة الاخلاص اتحطت على صوت وصورة. سطر واحد هذه السورة عدلت ثلث القرآن - 00:03:45

اما كلمة الاخلاص اتحطت على صاد ربنا بيقول قل هو الله احد الله الصمد. لم يلد ولم يولد. ولم يكن له كفوا احد. صاد. واتسمت الاخلاص معنى الاخلاص لان السطر ده بيحقق المعادلة الصعبة دي في قلبك. لان السطر ده بيخلي قلبك ملكية خالصة لله وحده. لما

اتحطت كلمة الاخلاص - 00:04:05

على هذه السورة هذه السورة بقت تعدل ثلث القرآن. قال لك ليه؟ قال لك لان السورة ديت خلاص بقت اسمها سورة المعرفة. معرفة الله. فمعرفة الله تلتني القرآن بيكملك عن معرفة الله. وبعد كده تلت القرآن يكلمك بقى عن الاحكام مراد ربنا سبحانه وتعالى. وبعد كده تلت القرآن فالقرآن مقسم اجزاء. فقال لك ان - 00:04:25

كاساس دينك انك تعرف ربنا. اساس كل حاجة في حياتك انك تعرف ربنا. فهل نعرف الله يا اخواني؟ هل نحن نعرف الله؟ هل نحن نعرف كرم الله هل نحن نعرف غنى الله؟ هل نحن نعرف عزة الله؟ هل نحن نعرف قدرة الله؟ هل نحن نعرف صمدية الله؟ هل نحن نعرف - 00:04:45

احادية الله. احنا عارفين ربنا سبحانه وتعالى انت لو عارف ربنا هتعرف تتعامل مع ربنا. لو عارف ربنا هتعظم ربنا. لو عارف ربنا وانت في الخلوة بتاعتك استحي انك تعصي ربنا. لو عارف ربنا كل شئ في حياتك هيتغير. معرفة ربنا هي الجنة اللي ربنا جعلها في الدنيا قبل جنة الآخرة - 00:05:05

فمن دخل جنة معرفة الله فقد دخل جنة الدنيا قبل جنة الآخرة. لذا حينما يعرفنا الله به يقول قل قل هو الله احد. قل هو الله احد. خدوا بالكم يا اخواني. النبي عليه الصلاة والسلام خرج على الصحابة مرة فقال لهم احشدوا احشدوا - 00:05:25

تجدوا احشدوا هاتوا الناس كلها في شكل حشود. في المسجد النبوي. ليه يا رسول الله؟ فاني ساقراً عليكم ثلث القرآن. انا هقرا عليكم ثلث القرآن وطبعاً بالنسبة للصحابة الكلمة دي خطيرة ليه؟ لان كثير من الصحابة كان في علم القراءات بياخذ كلمة كلمة من النبي عليه الصلاة والسلام في القرآن ده العلم اللي هو مركز - 00:05:45

فيه وكان شرف بقى واحد يقول لك انا خدت من النبي سبعين سورة. واحد يقول لك النبي اداني القرآن كله. واحد خد من النبي قل اعوذ برب الفلق وقل اعوذ برب الناس. النبي - 00:06:05

كان بيقري الصحابة صحابي صحابي وكل صحابي شرفوا على قد ما النبي عليه الصلاة والسلام اقرأه خاصة والصحابي ده هيعلم الدنيا كلها السورة دي بعد كده لانه خدها من فم النبي عليه الصلاة والسلام مباشرة. فالنبي قال لصاحب احشدوا فرصة عمركم فاني ساقراً عليكم ثلث القرآن. ده انا مش هتجي لي هاديك صورة - 00:06:15

اه قل اعوذ برب الفلق مسلاً وهديك صورة معينة ده انا هاديك ثلث القرآن مرة واحدة. فالصحابة احتشدوا في المسجد النبوي. فخرج رسول الله صلى الله عليه وسلم فقراً وعليهم قل هو الله احد. الله الصمد لم يلد ولم يولد ولم يكن له كفوا احد. ودخل. فالصحابة عارفين ايه اللي حصل ده؟ هو - 00:06:35

هو فيه ايه؟ هو النبي جا له وحي فدخل ولا ايه؟ هو فين تلت القرآن؟ فخرج النبي صلى الله عليه وسلم عليهم فاخبرهم ان قل هو الله احد تعدل - 00:06:55

العدل تعدل ثلث القرآن. عشان ما حدش يستقل بمعنى الاخلاص يا جماعة. بمعنى ان قلبك يبقى خالص لله سبحانه وتعالى. لان اول اول من تسعر بهم النار يوم القيامة. ناس كان عندهم قيام وكان عندهم عبادة وكان عندهم جهاد. كان عندهم اتفاق بس ما كانش عندهم اخلاص. ناس كان عندهم الدين موجود في حياتهم - 00:07:05

بس ما كانش عندهم اخلاص. كان الدين صورة مش حقيقة في حياتهم. قل هو الله هو الله. العلمانيين او اهل الدنيا يقول لك هي الاسباب. يعني ايه هي الاسباب اللي بيرفع ويخفض الاسباب. اللي بيخلي ده باشا وده ما لوش قيمة في المجتمع. الاسباب المراكز الاموال - 00:07:25

العقارات الشهادات هي دي. الناس يقول لك هي الشهادات هي اللي بتخلي الواحد ده ايه ينفع ده يجوزه بنت او ما اجوزوش بنت. واحد تالت يقول لك الملحين يقول لك هي الطبيعة اللي خلق كل ده الطبيعة. طب والشمس دي الطبيعة. طب واللي خلى الالف مليار نجم اللي في مجارة التبانة الطبيعة. طب واللي - 00:07:45

واللي عمل الدنيا دي والقارات الستة والسماك اللي في البحر والطور اللي في السما واللي خلق اعضاء جسمه يقول لك دي الطبيعة هي

الطبيعة. الصدفة هي الصدفة المشركين يقول لك هي الاوثان. يعني ايه؟ يعني مين اللي نجح ابنك؟ لما رحت او يقول لك مسلا هي القبور اصحاب القبور. لما رحت للبدو نجحني ابني. وانا لما - 00:08:05

رحت استغفر الله العظيم. ده لما راح وده لما سجد لبقرة هي اللي شافت له مراته. وده فدل بيقولوا هي الاسباب ودول بيقولوا هي الطبيعة. ودول بيقولوا هي الاوثان والله يقول هو الله. هو الله مش اي حاجة من هذه الاشياء. عشان كده قل هو الله احد. ترد ترد ترد نسبة كل - 00:08:25

كل شيء الى الله لما اي حد لما بتوع الاحاد يقول لك هي الطبيعة ان هي الطبيعة اللي خلق كل ده الطبيعة يقول لك اه. طب ازاى يعني اللي خلق كل ده طبيعة؟ يعني انا لو جيت قرد - 00:08:45

يعني واديت الة كاتبة وقعد يضرب عليها هيطلع لي بعد شوية نزرية النسبية لاينشتاين او هيطلع لي مسلا قصة لتشاللس ديكيينز مسلا او هيطلع لي مسلا المعادلة بتاعة القبلة الزرية اللي امريكا خلصت بقى الحرب العالمية الثانية او هيطلع لي مسلا يعني لما هجيب واحد قرد - 00:08:55

كده وقعد يضرب على الة كاتبة هيطلع له ايه في الاخر؟ او هيطلع لي قصيدة من معلقات الشعر الجاهل اللي كانت بتتعلق على الكعبة مسلا. يعني هيطلع ايه؟ يعني انا لو جيت ورقة وكتبت عليها - 00:09:15

واحد وورقة تانية كتبت اتنين وورقة تالته كتبت ثلاثة وورقة رابعة كتبت اربعة وورقة خامسة كتبت خمسة جبت عشر ورقات كل ورقة مكتوب عليها رقم من واحد لعشرة وحطيتهم في جيبي ولخبطتهم. قال لك احتمال ان انا امد ايدي في جيبي اطلع الورقة اللي مكتوب عليها واحد. قال لك واحد على عشرة. قال لك طب احتمال ان انا امد ايدي في جيبي اطلع الورقة اللي مكتوب عليها - 00:09:25

واحد وبعد كده اقوم مادد ايدي في جيب اطلع الورقة اللي مكتوب عليها اتنين بنفس الترتيب قال لك واحد على مية. ده قانون الاحتمال الرياضي اللي هم مطلعين منه الصدفة اصلا - 00:09:45

قال لك طب احتمال ان انا امد ايدي ثلاث مرات في جيبي كل مرة تطلع بالترتيب واحد اتنين ثلاثة قال لك واحد على الف. قال لك طب ان انا امد ايدي اربع مرات - 00:09:55

كل مرة تطلع بالترتيب واحد اتنين ثلاثة اربعة. قال لك واحد على عشر تلاف. طب لو خمس مرات وكل مرة تطلع بالترتيب قال لك واحد على مية الف. طب لو - 00:10:05

مرات وكل مرة واحد بالترتيب قال لك واحد على مليون. قال لك طب لو سبع مرات والسبعة بالصدفة جم بالترتيب. قال لك واحد على عشرة مليون. طب لو تمن مرات واحد على مية مليون. طب لو تسع مرات وواحد على مليار الف مليون. طب لو عشر مرات حطيت ايدي في جيبي سبحان الله - 00:10:15

صدفة اطلع في اول مرة رقم واحد واطلع في ثاني مرة الورقة اللي مكتوب عليها اتنين واطلع في ثالث مرة الورقة اللي مكتوب عليها ثلاثة واطلع الى رقم عشرة طب الترتيب كده صدفة في عشر ورقات بس. قال لك واحد على عشرة مليار. احتمال انك تطلع الورق بالترتيب من جيبيك. بالصدفة - 00:10:35

واحد على عشرة مليار. طب احتمال ان انت الالف مليار خلية اللي في جسمك يترتبوا بالترتيب ده. بنفس الترتيب ده ده احتمال واحد على كم آآها سيكستليون واحد على كم الارقام بقى الوهمية اللي بيطلعوها بتوع علماء الفلك دول. الاحتمال ده قد ايه؟ طب احتمال ان جزيء الانسولين اللي في دمك اللي لما بيحصل فيه مشكلة به يحصل مرض - 00:10:55

السكر احتمال ان المتين تلتमित حمض امين اللي مترتين فيه. ها يترتبوا بنفس الطريقة كده بالصدفة. ها ده احتمال قد ايه؟ طب احتمال ان المليون جزيء اللي بيكونوا كل خلايا من خلاياك يتكونوا كده بالصدفة لوحدهم. ده احتمال قد ايه. طب احتمال ان الالف مليار نجم - 00:11:15

في مجارة التبانة يترتبوا بالصدفة كده لوحدهم. ها بحيس انك تبص في السما تلاقي ده يعني تلاقي النجوم كلها ايه مجموعات وكل

مجموعة لها شكل وكل مجموعة لها ده احتمال كان في مليار المليار المليار. يبقى اذا يا اخواني في الله لما دول يقول لك هي الاسباب ودول يقول لك هي الطبيعة ودول يقول لك هي الاوثان - [00:11:35](#)

احنا بنقول هو الله. الله هو الذي خلق كل شيء. عشان كده بعدها هو الله احد. احد الذي لا يتعدد. احد في في منعه وعطائه. احد في نفعه وضره. احد في رفعه وخفضه. احد في نعيمه وعذابه. احد في مشيئته. احد في - [00:11:55](#)

احد في قدرته. وان الله يفعل ما يريد. يهدي من يريد. فعال لما يريد. يحكم ما يريد. يفعل ما يشاء يخلق ما يشاء. يهدي من يشاء. يهب لمن يشاء. الله سبحانه وتعالى يختص برحمته من يشاء. يصيب برحمته - [00:12:15](#)

في من يشاء يجيب دعوة من يشاء. الله سبحانه وتعالى مطلق المشيئة. الله احد يفعل ما يشاء. الله احد له كل شيء رب كل شيء سبحانه وتعالى. الله المهيم على كل شيء. فلما تعرف ان ربنا سبحانه وتعالى كل شيء ينسب الى الله - [00:12:35](#)

وكل رزق ينسب الى الله وكل خلق ينسب الى الله. وكل قدر ينسب الى الله. يبقى انت بتقاتل عشان كده كلمة قل يعني ايه قل طب ما كانت السورة تقول هو الله احد. ايه قل. قل دي يعني انت ما تسكتش. يعني انت لما تشوف اهل الباطل بيتكلموا على ربنا ما ينفعش انك تسكت. يعني انت لما تشوف الملحدين بيتكلموا عن ربنا - [00:12:55](#)

ربنا ما ينفعش انك تسكت. يعني انت لما تشوف من يريدون ان ينحوا شريعة الله ما ينفعش انك تسكت. عشان كده النبي عليه الصلاة والسلام بعد غزوة احد لما وقف ابو سفيان - [00:13:15](#)

كان تحت جبل احد بعد المعركة ما انتهت. وسبعين صحافي صحابي ممزقين في ارض المعركة. والصحابة اللي مع النبي عليه الصلاة والسلام على الجبل مصابين بجراح بال منهم اللي عينه واقعة من مكانها ومنهم اللي واخذ ضربة في دماغه وخلته بعد كده اصلا لا يستطيع ان هو يتاجر ولا يتعامل معاملات تجارية بسبب فقد - [00:13:25](#)

تركيز بسبب هذه الضربة اللي اصابها. ومنهم يعني الصحابة يعني يعني مجزرة يعني. ويقف ابو سفيان تحت الجبل فيقول هبل عايز بقى يعلي الالهة بتاعته. فيقول النبي صلى الله عليه وسلم الا تجيبوه؟ الا تجيبوه؟ انتم ازاى تسكتوا؟ انت بتقطع - [00:13:45](#)
انت مش متقطع انت خايف ان المعركة تتفتح تاني لو حصل استفزازات كلامية يحصل اللي يحصل. انما هتسيبم هذا الكلام يقال على الله ازاى؟ الا في حين انه لما كان بيقول لسة من دقيقة ابو سفيان افيكم ابو بكر افيكم محمد؟ النبي عليه الصلاة والسلام قال لهم لا تجيبوه ما حدش يرد عليه ليه - [00:14:05](#)

لان لما يكون الموضوع يتعلق بنا مش راضيين. انما لما يكون على الله الا تجيبوه فقالوا وما نجيب يا رسول الله صلى الله عليه وسلم. قال قولوا الله اعلى واجل. الله اعلى واجل. يبقى ازاى اخواني قل دي يعني الا تجيبوه يعني مش هتتكلم عن ربنا اللي خلقك ومولاك سبحانه - [00:14:25](#)

تعالى مش هتتكلم عن الله مش هتدافع عن ربنا. كل ما حرمة من حرمة الله تنتهك. كل ما حد يعتدي على جناب التوحيد في الارض. عشان كده كلمة قل دي مش امر - [00:14:45](#)

كلمة قل دي منهج حياة. انك تعيش عشان التوحيد. انك تعيش عشان ربنا. سبحانه وتعالى. يعني لو واحد منا حد مسلا قال كلمة على ابوه لا يمكن ان هو يستحمل. ليه بيحب ابوه وبيعظم ابوه! طب ربنا سبحانه وتعالى - [00:14:55](#)

الذي يكفر به من يكفر من اهل الارض ليل نهار. ويعتدي على شريعته ويعتدي على وحدانيته. ويتكلم في اسمائه وصفاته. من يعفى هذا من البشر كيف لا نرد عن ربنا. قل هو الله احد. الله الصمد. الله الصمد. اسم الله الصمد يا اخواني - [00:15:12](#)

يعني كان ممكن ربنا يقول قل هو الله احد صمد مسلا. انما ربنا جعل اسم الله الصمد في اية لوحده. وصدرها بلفظ الجلالة المقدمة بتاعة الاية ولتصبح الاية كأنها مسل كده يقرأ لوحده. الله الصمد وجيه الف ولام قبل صمد كان - [00:15:32](#)

انه لا صمد سواه. هل تعرف الصمد؟ هل تعرف ما معنى الصمد؟ هل تعرف ذلك الاسم العظيم؟ الذي حينما وضع في تلك السورة صارت تعدل تلت القرآن؟ هل تعرف ذلك الاسم الذي لم يذكر الا مرة واحدة في القرآن؟ هل تعرف ذلك الاسم الذي قال عنه العلماء من

- [00:15:52](#)

هذا الاسم احبه الله. من فقه هذا الاسم احبه الله. لان الصحابي لما كان يقرأ قل هو الله احد على طول كل ما يصلي باللي صح صلاة الجماعة يقرأ قل هو الله احد. فالنبي قال له لماذا تفعل هذا؟ انت بتعمل كده ليه يعني؟ فقال له اني احبها يا رسول الله. فقال اخبروه ان - [00:16:12](#)

الله يحبه. فقال لك اللي يحب اسم الله الصمد ويعرفه ربنا يحبه. اللي يفقه اسم الله الصمد ربنا يحبه. عشان كده كانت سورة الاخلاص معظمة عند اصحاب النبي صلى الله عليه وسلم كان قتادة بن النعمان رضي الله عنه اللي في غزوة احد لما عينيه وقعت من محجرها وكان على وش جواز وخاف ان خطيبته ما ترضاش ان - [00:16:32](#)
هي تقبلوا لما تلاقي عنيه يعني حصل فيها بالمنز ده فذهب الى النبي صلى الله عليه وسلم بعد الغزوة بعد غزوة احد فردها النبي صلى الله عليه وسلم براحتيه ودعا - [00:16:52](#)

قاله فكانت اجمل عينيه بعد هذا وكانت اطيب عينيه بعد هذا. قتادة بن النعمان ده كان يقوم الليل بسورة الاخلاص في صحيح البخاري. كان اقوم الليل بسورة الاخلاص. يعني طول الليل قاعد قل هو الله احد الله الصمد لم يلد ولم يولد ولم يكن له كفوا احد. قل هو الله احد. الله الصمد - [00:17:02](#)

لدرجة ان ابو سعيد الخضري رضي الله عنه وكان اخوه لاه. فلما شاف كده راح للنبي عليه الصلاة والسلام يشتكيه. فقال النبي صلى الله عليه وسلم انها لتعدل ثلث القرآن. يعني سبه ده اللي بيعمله ده انها لتعدل ثلث القرآن. تخيلوا ان صحابي كان بيقوم الليل بسورة الاخلاص يعني - [00:17:22](#)

كان بيقوم الليل بان يكررها ويجي الليلة تانية يعمل كده ويجي ليلة تالثة يعمل هذا. فكان مقامها عند اصحاب النبي صلى الله عليه وسلم عظيم. عشان كده لما كان الموضوع بيبقى - [00:17:42](#)

يعني الصحابة هيقدموا دمهم لربنا يفتكروا سورة الاخلاص. بلال وهو بيتعزب وهو كانوا يجيبوه يربطوا رجله في خيل والخيول تجري فظهر بلال جلد ظهره على الصحرا المحرقة يتسلخ والخير بتجري به. ويحطوا عليه صخرة ويعطشوه في الصحراء. يعني وسائل تعذيب صعبة جدا - [00:17:52](#)

فكان بلال خلاص لما يحس ان هو بيموت بقى يعمل ايه ؟ يقول احد احد. احد. ده هم بيعزبوك عشان كلمة احد احد. طب انا هاقولها لهم بقى عشان دمهم اكثر. مش هم بيعزبونني عشان انا باقول هو الله وهم عايزين يقولوا هي الاوثان هو الله احد احد. فكان بلال لما يحس - [00:18:12](#)

انه جت بروحه لله كان يقول احد احد. ليه ؟ يعني يا احد انا هاضحي بدم عشانك. انا هاضحي بدمي عشان الدنيا كلها تعرف ان الله هو الاحد وانه لا شريك له ولا نظير له ولا مثيل له. ولا كفاه ولا ند له ولا ضد له ولا صاحبة له. ولا ولد - [00:18:32](#)

سلام عشان الناس كلها تعرف الله الاحد انا باضحي بحياتي. الصحابة كانوا فاهمين ان قل هو الله احد مش معلومات. ده رسالة ده منهج حياة ده دي معركة ربنا بيبطلب منا ان احنا نقف في وش الدنيا كلها. نقول لهم ان ما تدعونه من دون الله هو الباطل. ونعرفهم مين هو ربنا. مهما - [00:18:52](#)

بقى عشان كده اصحاب النبي صلى الله عليه وسلم لما دخلوا غزوة بدر وكانوا متوقعين ان هم العرب كلها هتخرج معهم. يعني تخيل مسلا يعني ناس مسلا في اوربوا كده رايعين يحاربوا الفاتيكان. الفاتيكان ما هيش بلد مش قضية بلد. ده قضية رمز ديني مقدس عند الاوروبيين وعند كل الكاثوليك - [00:19:12](#)

في العالم فهو رايع يحارب الفاتيكان ومعتقد يقينا ان اوربوا كلها هتبقى وراه بتوع الفاتيكان. فالصحابه كانوا رايعين يحاربوا الفاتيكان بتاعة بتاعة العرب بقى رايعين يحاربوا مكة. رايعين يحاربوا مشركي مكة. والعرب بالنسبة لهم مكة دي مكة ده دي الارض المقدسة بتاعتهم. فالصحابه كانوا متوقعين ان العرب كلها - [00:19:31](#)

هتخرج تقاتل في بدر. عشان كده ليلة بدر الن يكفيكم ان يمدكم ربكم بثلاثة الاف. قبلها الف من الملائكة. مردفين بعد كده ثلاثة الاف من الملائكة بعد كده خمسة الاف من الملائكة هو فيه ايه ؟ الصحابة ليلة الغزوة ربنا يقول لهم الف من الملائكة. طب برضو لسة مش

مطمئنين دا العرب كلها هتخرج بكرة. طب ثلاث تلاف - 00:19:51

الملايكة برضو طب خمس تلاف من الملايكة ليلة بدر كانت هي المعركة الحقيقية. ليلة بدر كان هو القلق النفسي الحقيقي. ليلة بدر وهم مش قادرين الصحابة يعني متخيلين ان زمان العرب كلها بتحشي دلوقتي بمجرد ان مكة تناديهم. سبحان الله العظيم! ولا يدرون ان نصر الاسلام المبين سيكون - 00:20:11

في صبيحة اليوم التالي في الصحابة وهم داخليين بقى يضحوا بدمهم داخليين مقتولين مقتولين بقى. فوهم داخليين بقى دمهم هيسيل عشان ربنا ما ذا كان شعارهم الغزوة احد احد. انا داخل اموت عشانك يا رب. انا داخل اضحي بدمي عشانك يا رب. فادركوا ان قلهم - 00:20:31

والله احد دي مش كلمة كده بتتهري واحنا بنستمتع. ده معناها اجهر امان الباطل في العالم كله بان الله هو الاحد وما دام الله هو الاحد يجب ان تدين الارض كلها لله. الله فسورة الاخلاص عشان كده هي سورة الاخلاص دي سطر واحد. العلماء سموه اثنين وعشرين اسم - 00:20:51

الاخلاص لها اثنين وعشرين اسم. علماء سموها الاساس لانها اساس دينك اللي ما يقومش من غيرها. وسموها المقشقة اي الشافية اللي امراض القلوب ما تروقش من غيرها. وسموها سورة تعريفها لان هي اللي بتعرفك مين هو ربنا. وسموها صورة الانسان لان لما بتعرف ربنا بتعرف نفسك بقى انسان. وسموها صورة الجمال لان هي اللي بتعرفك - 00:21:11

جمال كل حاجة في الحياة لما بتلبس نضارة معرفة الله. وتبص ان كل حاجة تحت هيمنة الله. وسموها سورة الولاية. لانها بتخليك من اولياء الله الصالحين لو انت اكثرت من فهمها ومن مدارسها وسموها سورة المحضر لان الملائكة تحضر اذا قرأتها وتلوته. وسموها سورة - 00:21:31

تري لان الشياطين تنفر وتهرب اذا قرأتها وتلوته. وسموها سورة النور. لانها بتحاول بتنور قلبك بمعرفة الله وسموها يبقى سورة الاخلاص العلماء سموها اثنين وعشرين اسم. سورة سطر ولكن من عظمة معانيها سموها اثنين وعشرين اسم. سورة الاخلاص تعدل تلت - 00:21:51

القرآن لما تقرأها وورد عن النبي صلى الله عليه وسلم حديث ان قراءتها عشر مرات تعدل بيت في الجنة. تاخذ بها بيت في الجنة. طب لو عشرين مرة بيتين في الجنة. طب - 00:22:11

ثلاثين مرة ثلاث بيوت في الجنة. وفي حديث في سنده مقال عمر ابن الخطاب لما سمع الكلام ده قال يا رسول الله اذا نكث. قال لها يعني العشرة ببيض في الجنة. طب هنقول - 00:22:21

قال له الله اكثر. يعني اللي عند ربنا اكثر مما تتخيل. هو ربنا وده اللي احنا نقوله دلوقتي في اسم الله الصمد. الله الصمد. يعني ايه الله الصمد يعني معنى كلمة الصمد دي ايه؟ الله الصمد. قال لك الصمد ده لما كان بيبقى فيه كبير لقبيلة - 00:22:31

كبير لقبيلة فكانوا يسموه صمد القبيلة. يعني ايه كبير القبيلة؟ يعني دايمًا كنت تلاقي كده ايه او مش دايمًا ولا حاجة احيانًا تلاقي في بلد من البلاد راجل كده الراجل دوت - 00:22:50

الكبير بتاع البلد ومش خايفين منه. يعني مش الكبير مكون مسلا آآ يعني ايه آآ قوات ارهاب يعني مش بيخوفهم ده هو اجلالا له. ده تعظيمها له ده من كتر الحكمة بتاعته وعظمة مقامه وسط الناس. ما يصدروش عن امر ولا يردوا عن امر الا لما ياخذوا رأيه. فكانوا يسموا ده صمد القبيلة. ده الراجل ده - 00:23:00

الصمد ده الكبير. فتخيل بقى ان الكون ده كله له كبير. ان ربنا الكبير بتاع الكون دهو كله. الله الصمد. صمد الكون كله الذي لا يقدم ولا يؤخر شيء في الكون الا به. ركز معي في اسم الله الصمد. لان كثير من العلماء قال انه اسم الله الاعظم. الذي اذا دعي - 00:23:20

اجاب واذا سئل به اعطى. والنبي عليه الصلاة والسلام لما مر بصحابي لقاه بيقول اللهم اني اسألك باني اشهد انك انت الله الذي لا اله الا انت الاحد الصمد. الذي لم يلد ولم يولد ولم يكن له كفوا احد. فقال النبي صلى الله عليه وسلم - 00:23:40

دعا الله باسمه الاعظم الذي اذا دعي به اجاب واذا سئل به اعطى. فركز في اسم الله الصمد اللي هو ممكن يوصلك لحب ربنا كما قال

قال بعض العلماء ركز في اسم الله الصمد اللي ممكن يبقى مفتاح خزائن الله الاسم الاعظم. كما قال بعض العلماء ركز في اسم الله الصمد اللي لما وضع - 00:23:59

في مرة واحدة بس في صورة من سطر واحد اصبحت بثلاث القرآن. يعني ايه الصمد يا جماعة؟ اول معنى للصمد الكبير. الكبير بتاع الكون ده كله الذي يجل كل زرة في الكون - 00:24:19

يعني فيه ناس مننا يعني ايه لما تلاقي واحد كده ايه اللي له كبير ده مستريح في الدنيا اوي يقول لك اللي ما لوش كبير يشتري له كبير يعني اللي له كبير ده احساس جميل - 00:24:33

احساس عظيم ان انت يبقى لك حد كبير. بيعتني بشأنك وبيعتني بامورك. وجيل الحكمة. وبترجع له في كل حاجة. وهو بيدبر لك وهو بيهتم بك في وله كلمة على الجميع. فلما بياخد قرار لك انك انت تاخذ حاجة كله لازم يخضع وكله يحترمها. احساس ان ان انت لك - 00:24:43

كبير في الحياة. يعني كثير من الناس مثلا ممكن مثلا ايه ابوه يموت وهو صغير. آآ او ابوه يموت وهو شاب ايا ما كان. احساس ان انت بقى بقيت انت الكبير - 00:25:03

بقى ولادك مسؤولين منك وزوجتك مسؤولة منك والناس مسؤولة منك وشغلك مسؤول فيه عن حاجات والناس كلها بتسألك وكل حنة بتروحها انت مسؤول فبيبقى عندك احساس انا عايز حد كبير لي بقى. فاسم الله الصمد بيسد هذا الفقر النفسي عند الانسان. ان هو يبقى له كبير - 00:25:13

الله الصمد الذي يجله الكون كله. من معاني اسم الله الصمد لما كان العرب يلاقوا صخرة كبيرة كده صخرة ضخمة كده ورسخ في الارض اوي الريح ما تقدرش تعمل معها حاجة ولا ولو انت عايز تأوي الضل بتاعها في اي وقت او تأوي لها كانوا يسموا هذه الصخرة الصمد او - 00:25:33

صمد الى هذه الصخرة. يعني ايه الصمد هنا يا جماعة؟ المفزع. الركن الشديد. لما لوط قال او آوي الى ركن شديد انا عايز ركن ارتكن له المفزع. عشان كده يقول لك كان رسول الله صلى الله عليه وسلم اذا حزبه امر ايه؟ فزع - 00:25:53

الصلاة فزع ديت يعني الحياة يا جماعة اللي احنا عايشين فيها ديت انت عامل بالزبط زي كائن غلبان نزل غابة الحياة دي مليانة وحوش ومليانة انا مشاكل ومليانة طواري ومليانة يعني كما قال النبي صلى الله عليه وسلم الدنيا ملعونة. ملعونة وكلما يعيش المرء في هذه الدنيا عامة - 00:26:13

بعد عام يفهم يعني ايه الدنيا ملعونة ملعون ما فيها. حينما يرى قدرها ومصائبها وفتنها وبلأها. يعني الدنيا سبحانه الله العظيم عشان كده سيدنا علي بن ابي طالب كان يقول يا دنيا غري. يا دنيا رح اضحك على واحد ثاني. انت جاية تدحكي علي انا! يا دنيا غري! لقد - 00:26:33

كبرت عليك اربعا. ده انا صليت عليك جنازة خلاص. ده انت مت من قلبي من زمان اوي. روح عارفين مسلا يعني واحد مسلا له مسلا ايه يعرف واحدة مسلا ايه ايه يعرفها بقى من جيرة ولا يعرفها من اي حاجة ست عجوزة كبيرة وخلاص في مرة من المرات تلاقيها بقى حاطة مكياج صارخ ولايسة باروكة شكلها مش - 00:26:53

ايه ولايسة لبس مخليها ما حدش فاهم خالص ان ديت ست كبيرة وعجوزة. والناس كلها وماشية في الشارع بقى ايه كله متهيأ لها انها الشابة الفاتنة حملة فهو يبص لها ويضحك ويروح يضحك على واحد ثاني. مش انا. فسيدنا علي بن ابي طالب بيقول للدنيا يا دنيا غري. روي اضحكي على حد ثاني انا - 00:27:13

عارفك كويس عارفك كويس وعارفك البلاء بتاعك وعارفك انك ملعونة ملعون ما فيك. الا ذكر الله تعالى وما والاها وعالما او متعلما فكلمة الصمد اي المفزع. المفزع كان اذا حزبه امر. فزع الى الصلاة. تخيل انت ماشي في غابة طلع عليك وحش. هتقول يمين - 00:27:33

فكلمة الصمد دي يعني اتخيل فرحة اصحاب النبي صلى الله عليه وسلم بها. لما تكون انت عندك مشاكل كده. عندك مشاكل آآ آ في

دنيته وعنده في في واحد قريبك مسلا عايز يفتري عليك ولا عايز انت عندك مشاغل كثير. تفزع لمين؟ تلجأ لمين؟ تستغيث بمين؟
النبي عليه الصلاة والسلام كان - [00:27:53](#)

قل اللهم اني اعوذ بك من جهد البلاء. اللهم اني اعوذ بك من الهم والحزن. اللهم اني اعوذ بك من زوال نعمتك. اللهم اللهم اني اعوذ
انت لما تحب انك تلجأ وتتلطف من انك انت تذهب الى مفزع تروح لمين يبقى اسم الله الصمد. عرفك مين ركنك الشديد. مين -

[00:28:13](#)

انت هتجري عليه لما تحصل لك مشكلة في حياتك. من معاني اسم الله الصمد وهذا من بدائع معاني هذا الاسم. الصمد اي الكامل اي
الكامل يعني ايه الكامل؟ يعني ايه كلمة الكامل دي؟ قال لك يعني الغني الذي كمل غناه. العزيز الذي كملت عزته - [00:28:33](#)
القدير الذي كملت قدرته. يعني ايه برضه؟ الكريم الذي كمل كرمه. الشكور الذي كمل شكره. قال لك يعني ربنا كامل يعني ايه كامل؟
الانسان عنده دايم احساس بالنقص. عشان كده - [00:28:53](#)

لما ربنا سبحانه وتعالى يعني زعموا له الولد فقال ايه؟ آ قالوا اتخذ الله ولدا سبحانه هو الايه؟ هو الايه؟ هو الغني. يعني ايه هو الغني
ما هو الواحد عايز ولد ليه؟ واحد مسلا ايه ما اتعلمش فيقول لابنه يا ابني انا عايزك تتعلم انا ابوك ما اتعلمش انما انت لازم تتعلم
ابوك مسلا ما عملش كذا انما انت - [00:29:09](#)

لازم تعمل كذا فهو حاسس ان ابنه ببسد النقص اللي فيه. حاسس انه لما يموت ابنه هيكمل اسمه من بعده. فربنا بيقول هو ربنا محتاج
ايه بقى من الكلام اللي انتم عايزينه ولد عشانه ده - [00:29:29](#)

هو الغني هو الغني عن كل هذا. عايز واحد يسنده في كبره. يعني عايز واحد انما ربنا الغني. الغني عن كل هذا سبحانه وتعالى فيعني
اسم الله الصمد اي الكامل الكامل سبحانه وتعالى. الانسان دايم عنده نقص فعايز حاجة تسد النقص بتاعه - [00:29:39](#)

عشان كده زمان كنت تلاقي دايم الشعراء مهووسين بفكرة ارض الكمال اللي سموها دايم اليوتوبيا اللي فلسفة بيسموها اليوتوبيا
الارض الكاملة بقى الارض اللي ما فيش فيها النقص وما فيش فيها الضعف وما فيش فيها مرض وما فيش فيها الهم وما فيش فيها
الغم. سموها يعني لدرجة ان احد الشعراء سمى قصيدة - [00:29:59](#)

البلاد المحجوبة يقول يا بلادا حجبت منذ الازل. بلاد الكمال بقى اللي احنا عايزين نعيش الحياة الكاملة فيها. كيف نرجوك ومن اين
السبيل توصل لك ازاى؟ كيف نصل الى الكمال؟ كيف نصل الى الكمال؟ وكان يعني يعني ومن الفلاسفة من تخيل فكرة السوبر مان

السوبر ماندا مش - [00:30:19](#)

فكرة كرتون. ده السوبر مان ده فكرة فلسفية اصلا. ازاى الانسان يبقى سوبرا ازاى الانسان يبقى كامل! ازاى العجز البشري ده يرتفع عن
الانسان! يا عم هو ربنا الصمد ببسد العجز بتاعك. بدل ما تقعد تدور انك تكمل نفسك ازاى مش هتكملها. انت مخلوق من تراب. لان

التراب هو افقر مخلوق في الوجود - [00:30:39](#)

هو التراب ده فيه حاجة! فقر الفقرا! التراب ده افقر حاجة في الحياة. انت مخلوق من التراب ده عشان ربنا يقول لك انك فقير في كل
حاجة. يا ايها الناس انتم - [00:30:59](#)

الفقراء الى الله. والله هو الغني الحميد. فيقول لها يا بلاد حجبت منذ الازل. كيف نرجوك؟ ومن اين السبيل؟ اي قفر دونها اي جبل
مستعدين ان احنا نخوض الجبال ونعدي القطار. ولكن نصل الى هذا الكمال. سورها العالي ومن منا - [00:31:09](#)

الدليل اسراب انت ام انت الامل؟ في نفوس تتمنى المستحيل؟ هو شايف ان الكمال البشري ده حاجة يعني من المستحيل ان يوصل
اليها. فاسم الله صمد بيحل لك الازمة النفسية دي. الله الكامل كمال الله. سبحانه وتعالى. يعني ايه الله الكامل؟ الكريم الذي كمل في

كرمه - [00:31:29](#)

يعني تخيل كده كمال الكرم يعني كان آ يعني سبحانه الله العظيم لما ربنا يقول خلق الانسان من علق اقرأ وربك الاكرم. اقرأ وربك
الاكرم. ايه علاقة العلق بان ربنا بيقول انت كنت علق فاقراً وشف اسم الله الاكرم. ايه علاقة الاكرم بالعلق؟ لما جيت - [00:31:49](#)

سبها كده علماء الجينات قال لك ان انت جسمك ده بيتكون من مية وعشرين الف حاجة. جسمك ده بيتكون من مية وعشرين الف

حاجة. ده طبيا. يعني ده ايه؟ ده هم - 00:32:09

يعدوا عدد الجينات بتاعة الجسم. يعني انت جسمك ده بيتكون من عين بس العين دي اصلا ميت حاجة. العين دي مش حاجة واحدة بس. ده العين ديچ فون ورموش. والقرنية دي تسع طبقات اصلا. وبعد - 00:32:19

كده العين من جوة تركيب اعجاز الاعجاز. لما تيجي تتدبر العين دي بتنمو في رحم الام ازاي اصلا؟ عين الجنين حاجة تطير العقل. حاجة تذهل الانسان عن كل ما في الدنيا. حاجة تفهمك قول الله فاني تصرفون. ازاي قلبك يصرف عن الله بعد هذه الايات

الباهرة - 00:32:29

فلما تيجي تشوف الانسان بيتكون من حوالي مية وعشرين الف حاجة. فانت بتتكون في كل دول بايه؟ في تسع شهور انت بتخرج من بطن الام كامل تسع شهور يعني لو جيت تقسمها كده انت بتاخذ كل يوم كم حاجة في جسمك من ربنا وانت في بطن امك

خمسيت - 00:32:49

حاجة يعني النهاردة خد عمود فقري. بكرة خد نخاع شوكي. خد مخ خد اعصاب. طب خد رئة. طب خد حالب. طب خد مثانة. طب خد كلى طب خد غدة فوق قدرية. طب خد المعدة. طب خد القلب. طب خد شريان الاورطة. طب خد الرجلين. طب خد العضلات.

طب خد الجمجمة - 00:33:09

طب خد الاذن الخارجية. طب خد الاذن الوسطى. طب خد الجفون. طب خد الرموش. طب خد الشفايف. طب خد اللسان. خد خد خد. انت قعد تسع شهور السما بتمطر عليك عطاءات من ربنا. بتخرج في الاخر الدنيا. انت وانت جنين كل دقيقة بيتكون في -

00:33:30

اعصابك في مخك متين وخمسين مليون خلية عصبية. هتتولد بهم وما فيش ولا خلية هتتجدد بعد كده الخلايا العصبية لو اتجددت الذاكرة على العصبية تفقد ذاكرتك اصلا. هتفقد في شخصيتك اصلا. فيقول لك كل الجسم بيتجدد بيتجدد. يعني انت كبك من ست

شهور مش هو كبك بتاع الوقتي. انت كلتك من - 00:33:50

سنة مش هي كانت دلوقتي الجسم قاعد يتجدد على طول. قال لك الا الخلايا العصبية. ليه؟ لان دي اللي عليها الذاكرة ودي اللي

عليها الشخصية. فلو اتجددت انت ممكن تصحى الصبح تلاقى نفسك ما انتش فاكر - 00:34:10

اخر حاجة اصلا فهذا من معجزات خلق الله. مين اللي رتب الترتيب ده؟ مين اللي ابداع الابداع ده؟ مين اللي اعطاك العطاء ده؟ ده انت جوة ودنك. انت لو واحد ناداك من ورا قال لك مسلا يا محمد تقوم باصص كده. طب لو ناداك من الناحية الثانية تقوم باصص

كده. طب انت عرفت منين ان الصوت جاي من هنا ولا من هنا؟ قال لك انت في جهاز في مخك ها - 00:34:20

بيعرف بيلقط فرق الصوت من الناحية اليمين من الشمال بنسبة واحد على الف وستمية وخمسين جزء من السانية. فانت في قال في واحد على الف ستمية وخمسين جزء من السانية بتعرف الصوت جاي لك من انهي ناحية بالزبط؟ فلما واحد يناديك تقوم باصص

على مصدر الصوت بالزبط. مين اللي حط الجهاز ده؟ مين اللي ركب - 00:34:40

الجهاز ده جواك. لسان المزمار عسكري المرور اللي واقف في زورك. اللي عندك حودتين حودة بتودي على الرئة. لو الاكل نزل فيها بقت مصيبة. وحودة تنزل على المعدة لو الهوا نزل فيها مش هتتعرف تتنفس. ايه يا عسكري المرور ده! عسكري المرور ده واقف يلاقي اكل.

اقفل السكة اشارة حمرا بالنسبة للرئة - 00:35:00

على المعدة يلاقي الاكل ما فيش. افتح الاشارة خضراء اللي هو يدخل على الرئة. عسكري المرور ده مين اللي جابه لك؟ وعسكري المرور ده لو باز هتعيش ازاي حنة اللحملة اللي اللي ما تجيش بتاع دي هتعيش ازاي؟ كيف ستعيش؟ رأيت فيلما اجنبيا عجيبا في

علم الاجنة لقيت فيلم اجنبي - 00:35:20

جاييين الانسان وعمره تمن اسابيع. تمن اسابيع. الفيلم مدته اتناشر سانية. الفيلم مش طويل ولا حاجة. اتناشر سانية. فجاييين البني ادم بعد تمن اسابيع. تمن اسابيع في بطن امه عن الشهر الثاني. يعني احنا فجاييين شكله كده ها؟ جاييين شكله بس مش جاييين ايه

اللي فوق واياه اللي تحته. فبني ادم بني ادم كامل رجليه - 00:35:40

وايديه ووشه ومخه وظهره وبطنه. وقاعدين يقلبوا الشاشة عليه كده. وانت قاعد تبص كده للمنزر ده تمن اسابيع. يا نهار ابيض!
يعني انت مش مصدق ان بعد تمن اسابيع لسة شهرين والبني ادم بقى كامل بالمنزر ده. وقاعدين يدوروا لك كده على الشاشة. وبعد
كده فجأة الكاميرا يقوم مرجعيتها فتشوف ان اللي كان ماسك الجنين ده - [00:36:00](#)

من فوق ومن تحت عقلتين صابع. عقلتين صابع. فلما تشوف حجم الجنين وهو في في الاسبوع الثامن. بالنسبة لعقلة الصبع قد نص
عقلة الصواب. انت كنت ده. انت في يوم من الايام كنت واحد سنتي! وكل اعضاء الجسم اللي موجودة فيك الوقت كانت فيك وانت
واحد سنتي - [00:36:20](#)

ولما الانسان كبر وبقى ما شاء الله لا قوة الا بالله! ما شاء الله! الله اكبر! امسكوا الخشب يا جماعة! مية وخمسين سنتي! مية وخمسين
سنتي اذا هو خصيم مبین. اذا هو خصيم مبین. وفاكر نفسه حاجة. ويجي يوم القيامة. ربنا يقول ولهم مقامع ومن حديد يقول ما
اقدرش يا رب - [00:36:40](#)

طب ما انت كنت عارف انك ما تقدرش. هو انت جاي النهاردة تكتشف انك ما تقدرش. هو انت جاي النهاردة تكتشف ان انت ما كانش
فيك نفخة! ده ربنا بيقول ونفخ - [00:37:00](#)

في الصور الكون ده كله بيتشال بنفخة مش من آآ خالق الكون. ده نفخة من مخلوق من المخلوقات اللي ربنا خلقها. نفخة ملك بينفخ
في الصور الكون ده كله بيزال. يعني الكون ده كله ما كانش فيه نفخة. يعني البني ادمين دول ما كانش فيهم نفخة! او مال كانوا
بيعانوا ليه - [00:37:10](#)

او مال كانوا بيعارضوا شرع ربنا ليه ؟ او مال كانوا بيتكبروا على عبادة ربنا ليه ؟ او مال كانوا بيعصوا ربنا ليل نهار ليه ؟ فلما الانسان
يعرف نفسه فربنا بيقول خلق الانسان من علق. اقرأ وربك الاكرم. شف انت كنت ايه علقة نقطة دم من عشر تلاف خلية ده ده في
بداية الحمل خالص - [00:37:30](#)

بعد اسبوعين شف نقطة الدم دي بقت ايه؟ مية وعشرين الف جزء من الخلق انت خدتهم. كل يوم حوالي خمسمية خلق. كنت بتاخذ
في الدقيقة متين وخمسين مليون خلية عصبية. قلبك قبل ما تتم تمن اسابيع في الرحم قبل ما تتم تمن اسابيع في الرحم. قلبك نبض
سبعة ونص - [00:37:50](#)

مليون نبضة. يعني وانت لسة ما جتش الشهر الثاني. وانت لسة جنين. سبعة ونص اليوم. من الذي اعطاك هذا؟ من الاكرم. من الذي
غمرك في الكرم وانت حيوان منوي. ده بيسموا البتاع ده بيسموه ايه؟ حيوان منوي. يعني يعني الحيوان يعني الاسم نفسه يكسف.
يعني ايه ده انا كنت كده لا - [00:38:10](#)

لا لا لا ده احنا انما ورثناه كبرا عن كابر. حيوان منوي. من وسط خمسميت مليون. يعني دفقة المني يصل عدد الحيوانات انا وهي فيها
الخمسمية مليون. تخيل انت ركبت مركب من شاطئ افريقيا على المحيط الاطلنطي. والمسابقة - [00:38:30](#)

حد شاطئ امريكا هتعدى البحر هتعدى المحيط بقى الاطلنطي دهوت ووسط خمسمية مليون مركب ومركب واحدة اللي هتوصل.
مركب واحدة من نص مليار مركب. ربنا اختارك انت. ربنا خدك انت من وسط كل دول. اللي اختارك امبارح. اللي اختارك وانت لسة
نطفة بيختارك النهاردة بيقول لك تعال - [00:38:50](#)

وانا اختارك. تعال ونصطفك تعال ونرفعك. ولو والبويضة ممكن تيجي مرة في قناة فالوب في الناحية اليمين ومرة في الناحية
الشمال. لو انت كنت دخلت الناحية يمين الناحية الشمال كنت انت رحت فين بقى ؟ والمسافة ما بينك وما بين البويضة عاملة زي
المسافة ما بينك وما بين ادغال افريقيا الوقتي كده. الحيوان المنوي ده - [00:39:10](#)

واحد على المليار من الجرام. وواحد على مليار من الجرام. يعني ما هواش حاجة اصلا. عشان يوصل للبعد ده بالنسبة له يعني اي قفر
دونها اي جبل. مين اللي وصلك؟ ومين اللي حماك من الافرازات القلوية اللي بتقطع اي حاجة في الطريق تقطيع. ومين اللي حماك -
[00:39:30](#)

ومين اللي اختارك انت ومين اللي بعد كده اداك كل الاعضاء اللي في جسمك ديت اقرأ وربك الاكرم. شف الاكرم عمل لك ايه شف

الاكرم ايه ؟ النهاردة الاكرم بيعرض عليك انه يكرمك ثاني. النهاردة الاكرم بيعرض عليك رحم ثاني. النهاردة الاكرم بيعرض عليك انه -

00:39:50

انه ينهمر عليك عطاءاته ثاني. بس لو عملت ايه ها اقرأ وربك الاكرم. لو اتصلت بالقرآن. لو لو تدارست طيب لو اكرت تلاوة القرآن لو

عشت مع القرآن هتعيش في عطاءات منهمة زي العطاءات اللي عشتها في رحم الام من قبل. فالصمد - 00:40:10

هو الذي كمل الكريم الذي كمل كرمه. العزيز الذي كملت عزته. العزيز لما تبص دلوقتي البلاء الناس ماشية فيه. هو ايه ده يا جماعة؟

هو البلاء ده يا جماعة مش البلاء ده مش مش من سنة ولا من اتنين ده من سنين والناس بتصرخ وبتجهر - 00:40:30

والشباب بيهرب اول ما يتخرج يشوف اي بلد يروح يشتغل فيها. البلاء اللي احنا عايشين فيه ده. المشاكل السرطان انتشر انتشار

غريب. ودخلت الوقتي بقى يقول مش عارف ده فيه فيروسات ايه وفيه التهابات ايه ومش عارف مين كم دكتور ماتوا عشان

الفيروس اللي اللي بيحصل فيه ايه ؟ وبعد كده اهو شف - 00:40:50

امراض الكبد بقى شكلها ايه؟ شوفوا امراض الكلى بقى شكلها ايه؟ بقينا اعلى بلد في العالم في الفشل. شوفوا كل الابتلاءات ده ايه؟

الابتلاءات دي ليه؟ عشان تعرف ان ربنا عزيز - 00:41:10

عشان تعرف ان ربنا ما بيبارزش بالمعاصي ليل نهار وبعد كده الموضوع هيعدي. مش هيعدي. مصيبة اللي بيعصي ربنا انه فاكر انها

هتعدى وهي مش هتعدى لا يمكن تعدى. ربنا يقول لك ام نجعل الذين امنوا وعملوا الصالحات كاليه ؟ كالمفسدين في الارض ام نجعل

المتقين كالفجار؟ حد يعرف - 00:41:20

بيقول لي الاية دي ربنا بيستدل بها على ايه؟ على ايه ام نجعل الذين امنوا وعملوا الصالحات كالمفسدين في الارض ام نجعل المتقين

كالفجار؟ استدل بقى على يوم القيامة ربنا يقول لك انت عايز يعني واحدة - 00:41:42

رقصت في شارع الهرم وفجرت اساوياها بواحدة لبست حجاب امهات المؤمنين تعففت ما هو لو ما فيش يوم قيامة دي بقت زي دي.

لو ما فيش يوم في القيامة يبقى عالم العلماء وعابد العباد بقى زيه زي هتلر في الاخر. ايه الفرق بقى! يبقى اللي كان بيقوم كل ليلة

زي اللي بيزني - 00:41:56

كل ليلة في الاخر. فربنا بيقول انتم فاكرين ان انا هساوي الناس في الاخر ام نجعل الذين امنوا وعملوا الصالحات كالمفسدين في

الارض. الله عزيز. فلما ما تيجي تشوف كمية الهم وكمية الكوارس اللي بقت مالية المجتمع. يعني الناس انت عندك معظم الناس

دلوقتي بقت يا اما عندها توتر يا اما - 00:42:16

ده اكتئاب يا اما عندها هم وغم. ليه؟ مشاكل. وكل بيت يا فيه عنوسة. يا فيه بطالة. يا فيه ازمة. يا فيه مريض مرض منك على

الناس الكلام ده يا جماعة. الكلام ده واتقوا فتنة لا تصيبين الذين ظلموا منكم خاصة. لما الناس هتبعد عن ربنا العقوبة مش هتنزل على

العاصي وتسبب - 00:42:36

سكت هتنزل على الجميع. لما تيجي تشوف المواقع الفاسدة على النت. لما تيجي تشوف القنوات الفاسدة. لما تيجي تشوف الحرب

اللي بتحارب بها شريعة ربنا في الجرائد والقنوات لما تيجي تشوف بعد الناس عن ربنا. لما تيجي تشوف المال الحرام اللي بقى اسهل

حاجة. لما تيجي تشوف كمية اختراق اختراق - 00:42:56

اوامر الله و نواهيه في هذا المجتمع. لما تيجي تشوف صلاة الفجر تحس ان انت في مقبرة ما انتش في ارض حية. هم دول اللي

نازلين من الحنة دي كلها يصلوا الفجر. هم دول اللي - 00:43:16

في القصة دي الاف اللي في كل منطقة الخمسة ستة دول اللي نازلين يصلوا الفجر كأن الامة اجمعت على هجر فريضة من فرائض

الله. يبقى لما تيجي تشوف ده تعرف ان ربنا - 00:43:26

ربنا عزيز بقى تعرف ان ربنا عزيز لما تعجبت النساء باجسادهن شف سرطان السدي يبقى شكله ايه. ولما النساء تبرجت عشان تجيب

عريس شف العنوسة بقى شكلها ايه! ما هو ربنا عزيز! هو انت هتاخذ رزق ربنا من خزائن ربنا! غصب عنه! خلاص شوفوا بقى! انتم

عايزين تعصوا - 00:43:36

الرزاق عشان تاخدوا الرزق يعني ده نكتة بس انت يعني يعني عقلك وصلك لها انا ضميري جبهة ان انا اعصي الرزاق عشان الرزق!

[00:43:56](#) طب شوفوا الرزق هيحصل فيه ايه بقى -

شوفوا ايه اللي هيحصل. شوفوا ما الذي سيحدث. عشان كده يا اخواني في الله الله عزيز. لما ربنا سبحانه وتعالى يقول لك يا ايها الناس اتقوا ربكم ان زلزل الساعة شيء عظيم. شيء عظيم. يعني ايه يا رب؟ يعني حاجة ما تتوصفش. لما اقول لك ده حاجة خطيرة.

[00:44:06](#) يعني ايه حاجة خطيرة؟ انا مش عارف اوصف. انا شفت حاجة فوق -

صورتني على الوصف. انما ربنا لما يقول شيء عظيم ربنا مش مش قادر يوصف. انت اللي مش هتعرف تدرك يعني ايه. فربنا بيقول لك

[00:44:26](#) انا مش هقول لك بقى يعني ايه شيء يعني ايه يوم القيامة -

انا هقول لك اللي هيشوف الايام هيحصل له ايه. وانت شف دي هتبقى ايه. يوم ترونها كلكم هتشوفوها. الكل هيعيش المشهد ده اوعى تظن ان المشهد ده انت مش هتبقى جواه. يوم ترونها كل واحد مستني يوم الشاب مستني يوم جوازه والبنت مستنية يوم

[00:44:36](#) خطوبتها. انت -

مستني ايه يوم ترونها تذهل كل مرضعة عما ارضاك. الام اللي ماسكة ضناها على صدرها بترضعه هتذهل ذهول هتبقى مش عارفة هي مين. انا اعرف امي دخلت ابنها السخان وقع عليه في الحمام. دخلت النار جابته وطلعت. تخيل دي ربنا بيقول عليها يوم القيامة -

[00:44:56](#)

يود المجرم لو يفتدي من عذاب يومئذ بنيه. بيقول لك دي هترمي ابنها في النار يوم القيامة لو ينفع عشان تنجو من حكم النار يبقى ايه ده بقى؟ يبقى ايه اللي بيحصل له كده؟ يعني انت الوقتي في السلام تمانية وتسعين لما جت تغرق السفينة ولعت. فاللي وقعت

[00:45:16](#) فيها -

لا هيتحرق يا هيغرق. حاجة من اللاتنين. فاسرة اب وام وعم اولادهم الولد والبنت صغيرة. ها ما عهمش غير طوق نجاة واحد الاب والام خدوا ابنهم قالوا له اركب حبيبي في البتاع دهيت ها وخد اختك معك وحافظ على اختك واحنا حبيب قلبي وقعدوا بقى

[00:45:36](#) يوصوه وقعدوا يفهموه يعمل ايه -

هم عارفين ان هم الواد هيموتوا. يا هيتحرقوا يا يغرقوا. عارفين ان هم هيموتوا. ولكن اختاروا ان ضناهم ينجوا وهم يموتوا. انت متخيل ده معناه ايه دول يوم القيامة لما يشوفوا النار هيقولوا يا رب نرمي ولادنا بايدينا في جهنم واحنا ننجو. يبقى ده ايه؟ يبقى

[00:45:56](#) يوم القيامة ده عشان تعرف -

يعني الله عزيز. الله لا يولى الظهر. الله مش ربنا اللي تدي له ضهرك. مش ربنا اللي ترمي له في دول اوقاتك. مش ربنا اللي لما تفضى

[00:46:16](#) تبقى تروح تلبى -

لقوا في الجامع ووقت ثاني ما ناش فاضي يا رب. مش ربنا اللي يناديك الفجر وانت حاطط البتاعة على ودنك. مش ربنا اللي تستهين بصيت وتقول يا سيدي وقت الله يعين الله. بقى ربنا غفور رحيم. مش ربنا اللي يبقى ما هواش رقم واحد في حياتك. مش ربنا

[00:46:26](#) سبحانه وتعالى -

ثم ترونها تذهل كل مرضعة عما ارضعت. اقوى عاطفة بشرية في الحياة بتنهار. بتنهار وهي عاطفة الامومة. فما بالك بسعر العواطف فما بالك اللي كان يعني يبحب حب غير يعني حب حرام. فما بالك فما بالك باللي عصى ربنا عشان ولاده. واللي عصت ربنا عشان

[00:46:46](#) جوزها. واللي عصى -

ربنا عشان اه اه امرأة فما بالك دول كلهم بيحصل لهم ايه ساعتها وتضع كل ذات حمل حملها. يعني ده حاجة يعني انت كل يوم احمل ربع مليون امرأة على وجه الارض. كل يوم بيحمل ربع مليون امرأة. كل يوم فكل يوم بيتولد ربع مليون طفل. وكل يوم ويموت قدهم

[00:47:06](#) كده او او قرب منهم -

فتخيل انت عندك كم واحدة حامل على وجه الارض كل يوم ربع مليون في ثلاثين يوم في تسع شهور سبعين مليون امرأة حامل. وده

[00:47:26](#) ربنا ما قالش وتضع كل النساء الحوامل -

في الحملة ده بيقول لك كل ذات حمل. ده السمك الحوامل ده الوحوش الحوامل. ده الانعام الحوامل. ده كل حاجة هتضع ده كل النساء الحاملات كل الاناث في الكائنات الحوامل كلها تسقط. وترى الناس سكارى فقد العقل. لما يوم القيامة بيزيد بقى العقل نفسه بيتلغى. وترى الناس سكارى - [00:47:36](#)

وما هم بسكارى ولكن عذاب الله شديد. الله الصمد اي العزيز الذي كملت عزته اي الرحيم الذي كملت رحمته اي الكريم الذي كمل كرمه. يبقى على هذا المعنى يبقى الله الصمد لما تعرف بقى الله كرم ربنا وغنى - [00:47:56](#)
كده ورحمة ربنا وعزة ربنا ساعتها لما تعرف كمان ربنا سيصبح الله هو مقصد حياتك وهذا من معاني الله الصمد الذي هو مقصود الحياة ان تصل اليه. اقول قولي هذا واستغفر الله لي ولكم - [00:48:14](#)
الحمد لله وكفى وصلاة وسلاما على عباده الذين اصطفى. اللهم لك الحمد كله ولك الملك كله. وببيدك الخير كله واليك يرجع الامر كله. لبيك ربنا وسعديك والخير كل الخير في يدك. والشر ليس اليك انا بك واليك. تباركت وتعاليت نستغفرك ونتوب اليك. اللهم صل على - [00:48:31](#)

في قلوبنا وعلى طبيب قلوبنا وعلى شفيعنا يوم العرض عليك محمد صلى الله عليه وسلم. اللهم اهدنا وارض عنا. الله اللهم اهدنا وارض عنا. اللهم اهد قلوبنا وسدد سنتنا يا رب العالمين. الله الصمد. من معاني اسم الله الصمد. اي الذي يصمد اليه في الحوائج - [00:48:51](#)
الذي يصمد اليه في الحرج. احنا قلنا من معاني اسم الله الصمد الكبير. الكبير بتاع الكون كله الذي يجله الكون ولا يقدم ولا يؤخر الا به. وقلنا من معاني اسم الله الصمد الركن - [00:49:11](#)

والمفزع الذي يلجأ اليه في الفزع. وقلنا من معاني اسم الله الصمد الكامل الذي هو مقصود الحياة. من معاني اسم الله الصمد الذي يقصد او يصمد اليه في الحوائج. يعني ايه؟ زمان كانوا لما يحبوا يكسروا جبل فيجيبوا ايه فؤوس يكسروا بها الجبل. فكانوا بيلاقوا انواع جبال الفاس بتتكسر - [00:49:21](#)
على الجبل اصلا جبال صلبة قوي. فعايزين حاجة مخصوصة اوي يعرفوا يكسروا بها الجمل. فلقوا ان فيه جبال زي جبل الصفا كده. الصخور بتاعته من كتر صلابتها من كتر ما هي مصمطة وصلبة يقدرها يصنعوا منها فؤوس يكسروا بها الجبال. فيقول لك ايه بيصمدوا الى - [00:49:41](#)

دي الحجارة عشان ياخدوا منها فؤوس يكسروا بها الجبال. فالصمد الذي يصمد اليه في العظام التي لا تقدر عليها انت. انت حياتك مليانة مشاكل ما تقدرش عليها ولا حد يقدر عليها. هو الملك حسين لما جا له سرطان. حد عارف يعمل له حاجة؟ في الدنيا كلها واعزم اطباء امريكا عرفوا يعملوا حاجة؟ انت ما تقدرش عليها. اخواننا ده البني ادم شوية شرايين - [00:50:01](#)
شريان واحد نقطة دم واحدة تتسد في شريان. يعني انت روح يا رجل تروح يا حركة تروح. سبحان الله! انت عشان تعرف انت محتاج ربنا قد ايه وفقير الى الله قد ايه؟ ده انت فيروس محتاج يتكبر تحت الميكروسكوب. الالكتروني ستة وتلاتين الف مرة. بيدخل في جسم البني ادم. يا عيني بينيمه زي ما - [00:50:21](#)

هواش عارف ياخذ نفسه. فيروس واحد. محتاج يتكبر ستة وتلاتين الف مرة عشان يتشاف. تحت الميكروسكوب. بني ادم ضعيف. هو فانت ما انت ما تقدرش تعمل حاجة. عشان كده النبي بيقول لربنا يا حي يا قيوم برحمتك استغيث. اصلح لي شأني كله. مش يا رب صلح لي الحاجات - [00:50:41](#)

صعبة وانا هقدر على السهلة انت ما عندكش صعب وسهل اصلا. انت ما تقدرش تعمل حاجة. البني ادم ضعيف مش تقدر تشيل عشرة كيلو انما تلتيمت كيلو ما تقدرش في ادم لا يستطيع ان يفعل شيء. عشان كده اللهم لا سهل الا ما جعلته سهل. لا شفاء الا شفاؤك. لا حول لا قوة الا بالله. ما فيش - [00:51:01](#)

خالص صفر البشر من اولهم لآخرهم علق. زي اول سورة نزلت في القرآن سورة العلق. فهل هناك علقه يتعلق بعلقة؟ هل هناك طريق يستغيث بغريق هل هناك فقير يقف يتوسل على باب فقير اياسوا من بعض بقى اياس من - [00:51:21](#)

فوق وادبح المخلوق من قلبك. واعلم ان الله هو الصمد الذي يصمد اليه في الحوائج والعظائم. يعني ايه؟ يعني الباب الوحيد لقضاء الحوائج في الكون. لا يوجد غيره ما فيش غيره. هو الاول والاخر. لا يوجد غيره. مش النبي عليه الصلاة والسلام بيقول لربنا انت الاول فليس ايه - [00:51:41](#)

قلبك شيء وانت الاخر فليس بعدك شيء. يعني بالتعبير بتاعنا ده ممكن يبقى معنا ايه؟ لما انت واقف على محطة القطر مستني مسلا قطر قطر الصعيد مسلا. فاقول لك القطر اللي جاي - [00:52:01](#)

ايه ده! ما فيش قطر ثاني بعده. لو فاتك هتفضل واقف هنا اهو ما فيش حاجة هتاخذك. فربنا لو فاتك ما فيش غيره. مش ربنا لو ما اجبلكشي فخلاص بقى ابقى رح بقى لحد ثاني بقى يبهضها لي - [00:52:11](#)

وما فيش غيره اصلا. فانت ما فيش لك امل غير على بابك. فانت لما تتقف وتلاقي الاجابة بتتأخر ما تقولش بقى يعني يعني ما تقول لي ده انت عشان تاخذ شقة من المساكن الشعبية تروح المحافظة. يقول لك ايوة يا حضرة رح هات لي بقى ورق رسمي بتاع حضرتك

كامل بقى وبطاقة كمبيوتر مستخرج رسمي - [00:52:25](#)

قلب الاب بالام بالجد. بجد الجد. تروح حاضر. بعد كده بص بقى حضرة رح بقى الشؤون الاجتماعية. هات لي بحس اجتماعي انك انت محتاج. حاضر. بعد كده مع حضرة روح للشهر العقاري والشؤون الاجتماعية والشؤون اللي مش اجتماعية ومجمع التحرير ومجمع

بتاع وهات لي ورق ان حضرتك ما عندكش شقة ملك. حاضر - [00:52:45](#)

بعد كده روح بقى حضرة وهات لي بقى افراد العيلة بتاعتك كلهم حاضر. وبعد كده ايوة كده ما شاء الله الملف بتاعك كامل برافو عليك ان شاء الله بازن الله كلها خمس سنين والعمارات بتاعة المساكن الشعبية تطلع ساعتها بازن الله هنعمل لجنة وهنجيب كل -

[00:53:05](#)

الاف الطلبات اللي حضرتك طالب منها انما الشقات هي كلها عشرات الشقق وهنعمل لجنة وهنشوف الاولويات مين وبعد كده الاولويات هنعمل بينهم قرعة في واحد قدم على المساكن الشعبية اجوز وبناته على وش الجواز دلوقتي ولسه ما خدش الشقة. فانت

كل ده واقف على باب مخلوق مستني - [00:53:25](#)

شقة من مساكن الشعبية. الواحد بقى يرفع ايديه ويقول يا رب مسلا يشفيني من المرض الفلاني. يوم كده ما يشفاش. يا عم ما انا دعيت وربنا ما استجابش. يعني احنا بتطلع عينينا - [00:53:45](#)

على باب البشر عشان ناخذ حاجة. وبتقف على باب الدكتور شهر اما يقول لك جه الدور بتاعك. وما احناش عندنا صبر على باب ربنا. الصمد مش صابرين على باب الصمد اصبر على باب الصمد فانه لا باب للحوائج غيره. الصمد الذي لا يتغير. الصمد الذي يفتقر اليه كل

شيء في كل شيء. ولا - [00:53:55](#)

افتقر هو لاي شيء في اي شيء. لم يلد ولم يولد ولم يكن له كفوا احد. بعد ما عرفت الاحد الصمد بقى ربنا بيقول لك لم ولم خلاص ما دام رأيت الحق انت لازم تبقى عرفت الباطل. ما عدش يبقى في قلبك شكوك. ما عدش يبقى في قلبك شبهات. لم يلد ولم يولد. مش

ربنا - [00:54:15](#)

سبحانه وتعالى ولم يكن له كفوا احد. لا يوجد كفؤ لله في الكون. لازم في قلبك ربنا ما يبقاش له كفوا احد. وعمرك ما ربنا هيبقى في قلبك هو والاخر عمرك ما هيبقى ربنا في قلبك ليس كمثله شيء. عمرك ما ربنا يبقى في قلبك لم يكن له كفوا احد الا لما تعرف ربنا. لو

عرفت ربنا - [00:54:35](#)

هتحل كل مشاكل حياتك. عشان كده سورة الاخلاص بعدها سورة الفلق وسورة الناس. سورة الفلق من شر ما خلق. شر النفاسات الحسد والحاجات اللي ازاى على الناس ها وشر غاسق اذا وقب. وبعد كده شر الوسواس الخناس. قال لك انك لو عرفت ربنا هتحل

كل مشاكلك بمعرفة ربنا بعد كده. هتصدق ان ربنا - [00:54:55](#)

وكل حاجة. هتفزع اليه في كل المشاكل. انما اللي ما حققش سورة الاخلاص مش هيعرف يحقق اللي بعدها. مش هيعرف يحل

مشاكله بمعرفة الله. عشان كده اخواني واحبابي في الله - [00:55:15](#)

يعني ونحن في ذلك اليوم الكريم في يوم الجمعة. عايزين ان شاء الله بازن الله نحاول نعرف ربنا من القرآن كلام الله عن الله. زي ما النبي قال لربنا عليه الصلاة والسلام - [00:55:25](#)

انت كما اثبتت على نفسك. خلاص يا رب انت اللي قلت على نفسك هو ده فانت كما سألت على نفسك. ربنا اثني على نفسه في القرآن. نقرأ القرآن يا اخواننا ونحن نريد ان - [00:55:35](#)

تعرف على الله من القرآن. نعرف ربنا من كلامه. نعرف نشوف ربنا قال على نفسه ايه. سبحانه وتعالى. نقرأ القرآن بتدبر. نقرأ القرآن بتركيز لو بيل جيتس الف كتاب في كيفية تحصيل الثروة هنقرأه كلنا بتركيز. ربنا منزل كتاب كيف تكون سعيد. وكيف تنجح في الدنيا والاخرة؟ وكيف - [00:55:45](#)

كيف وكيف عايزين نقرأ قراءة يعني يستحقها القرآن. قراءة القرآن اهل لها. يتلونه حق تلاوته. بيقراه بحق وحقيقي يؤمنون بي هم دول اللي بيحصلوا الثمرة ولا نقرأ القرآن قراءة ايه؟ نثر الدقن. عايزين نقرأ القرآن قراءة سليمة. اذكركم بسورة الكهف كل يوم جمعة - [00:56:05](#)

الله سبحانه وتعالى اذكركم بكثرة الصلاة على رسول الله صلى الله عليه وسلم يوم الجمعة. اذكركم بساعة الاجابة بساعة الاجابة. دعاء الصمد بقى بين ايدين الصمد النهاردة الساعة اللي قبل المغرب. وتصمد اليه في كل حوائجك. وتستغيث به في كل طلباتك. وتقف على بابه فهزه من اعظم ساعات الاجابة - [00:56:25](#)

التي يستجاب فيها دعاء العبد الساعة الاخيرة من يوم الجمعة اللهم اهدنا واهد بنا واجعلنا سببا لمن اهتدى. اللهم اجعلنا من اهل القرآن الذين انهم اهلك وخاصتك. اللهم استعملنا ولا تستبدلنا. اللهم احي قلوبنا بمعرفتك. اللهم احي قلوبنا بمعرفتك. يا اكرم يا - [00:56:45](#)

يا اكرم اللهم علمنا اسماءك الحسنى يا اكرم اللهم فقهننا في اسمائك الحسنى. اللهم احي قلوبنا بمعرفتك يا رب العالمين عالمين. اللهم اجعل القرآن العظيم ربيع قلوبنا ونور صدورنا وجلاء احزاننا وذهاب همومنا - [00:57:05](#)

اللهم اقمنا على مرادك منا. رب اجعلنا لك صوامين. لك قوامين. لك ذكارين. لك شكارين. اللهم امن هدايتك علينا جميعا. اللهم انزل هدايتك على اهل مصر اجمعين. اللهم انزل هدايتك على اهل مصر يا رب العالمين. اللهم الف بين قلوبهم على طاعتك وابتغاءك - [00:57:24](#)

مرضاتك. اللهم نجنا من الفتن ما ظهر منها وما بطن. اللهم انزل علينا من بركاتك ورحماتك. اللهم اكرمنا ولا تهنا. اللهم ثم اعطنا ولا تحرمنا. اللهم زدنا ولا تنقصنا. اللهم اثرنا ولا تؤثر علينا. اللهم ارضنا وارض عنا. اللهم اهدنا ويسر الهدى الينا - [00:57:44](#)
اللهم اهدنا ويسر الهدى الينا. اللهم اهدنا ويسر الهدى الينا. انك ولي ذلك والقادر عليه. سبحانه اللهم وبحمدك. اشهد ان لا اله الا انت. استغفرك طولك - [00:58:04](#)